



# **Vedtekter for 4H Norge**

Vedteke på landsmøtet 19. september 2020

# Vedtekter for 4H Norge

## § 1. Organisasjon

1. 4H Norges organisasjon er bygd opp av 4H-klubbane, 4H-fylka (kalla 4H "fylkesnamn"), sentrallet 4H Norge, Norske 4H-alumnar og 4H-gard Norge.
2. 4H Norge har sete og verneing der 4H sitt hovudkontor til ein kvar tid ligg.
3. Administrasjonen i 4H Norge er organisert gjennom eit sekretariat og vert leia av ein generalsekretær.

## § 2. Føremål

1. 4H Norge er ein landsomfattande, ideell barne- og ungdomsorganisasjon som er livssynsnøytral og partipolitisk uavhengig.
2. Føremålet til organisasjonen er å utvikle ein aktiv og samfunnsengasjert ungdom med ansvarskjensle og respekt for natur og menneske.
3. Grunnlaget for arbeidet i organisasjonen finst i naturbruksnæringane og lokalmiljøet.
4. Målsetjinga for 4H Norge er uttrykt gjennom 4H-lovnaden:  
Vi lovar å arbeide mot det mål å verte ein ungdom med klårt Hovud, varmt Hjarte, flinke Hender og god Helse.

## § 3. Arbeid i organisasjonen

1. Arbeidsoppgåvene for organisasjonen er gjennom 4H-klubbane å
  - a. leggje til rette for og oppmode til allsidig 4H-arbeid for barn og ungdom slik at dei utviklar seg til aktive unge med fagleg innsikt, praktisk kunnskap og sosialt engasjement.
  - b. medverke til samhøyr, aktivitet og trivsel i lokalsamfunnet ved gjennomføring av 4H-aktivitetar blant barn og ungdom.
  - c. drive opplæring gjennom 4H-prosjekt, klubbaktivitetar, kurs, leirar og andre arbeidsformer etter prinsippet *Å lære ved å gjere*.
  - d. leggje til rette for at flest mogleg gjennomfører 4H-programmet, oppnår 4H-vitnemålet og plaketten samt held fram vidare i 4H som alumnar og/eller klubbrådgjevarar.
2. Organisasjonen kan også drive 4H-arbeid organisert gjennom 4H-gardar, korttidsgrupper og skoleverket.
3. 4H Norge har eit internasjonalt engasjement og samarbeider med 4H-liknande organisasjonar i andre land.

## § 4. Medlemmer

1. 4H Norge har desse hovudformene for medlemskap:
  - a) Hovud- og syskenmedlemskap for born og ungdom frå 10 til 26 år.
  - b) 4H-klubbar
  - c) 4H-alumnar
  - d) 4H-gardar

- e) kløvermedlemmer
  - f) arrangementsmedlemmer
  - g) støtte-medlemmer
  - h) æresmedlemmer som er votert inn av landsmøtet i 4H Norge
  - i) organisasjonar som vil støtte 4H-arbeidet og som er votert inn av landsmøtet i 4H Norge.
2. Andre former for medlemskap enn dei som er nemnde under pkt. 1 kan godkjennast ved ordinært landsmøtevedtak.
  3. Medlemskap (for andre enn æresmedlemmer) er berre gyldig etter betalt kontingent. Medlemmer som ikkje har betalt kontingent for arbeidsåret vert strokne.
  4. Sentralstyret kan midlertidig suspendere, stengje ute frå bestemte arrangement eller ekskludere ein medlem som har motarbeidd 4H Norge eller skadd omdømmet til organisasjonen. Slikt vedtak kan ankast inn for overprøving i landsstyret. Medlemmen vert rekna som suspendert/ekskludert medan handsaminga av anken går føre seg. Medlemmen skal gjevast rett til å gjere greie for saka si i dei fora som handsamar saka. Beredskapsleiar kan utestengje/heimsende personar frå enkeltarrangement.
  5. Berre medlemmer av kategoriane definert i pkt. 1 bokstav a, c, f, g og h kan veljast til styrande organ i 4H Norge. Tilsette på lands- og fylkesplan kan ikkje veljast inn i sentral- eller fylkesstyre anna enn som representant for dei tilsette.

## § 5. Landsmøte

1. Landsmøtet i 4H Norge har det overordna ansvaret for arbeidet i organisasjonen.
2. Landsmøtet i 4H Norge er samansett av:
  - a. Representantar valde av fylkesårsmøta blant medlemmene i dei lokale 4H-klubbane og kløvermedlemmene.
    - Fylke med 1-400 teljande medlemmer har ein (1) representant.
    - Fylke med 401-700 teljande medlemmer har to (2) representantar.
    - Fylke med 701-1000 teljande medlemmer har tre (3) representantar.
    - Fylke med 1001-1500 teljande medlemmer har fire (4) representantar.
    - Fylke med 1501 eller fleire teljande medlemmer har fem (5) representantar

Med telande medlem meinast støttegjevande medlemmer under 26 år. Talet på representantar bestemmast ut frå medlemstalet slik det føreligger pr.01.01.i landsmøteåret.
  - b. Leiarane i fylkesstyra eller annan representant frå fylket.
  - c. To (2) representantar for Norske 4H-alumner.
  - d. To (2) representantar for 4H-gård Norge.
  - e. To(2) representant for dei tilsette.
  - f. Medlemmene i sentralstyret.
  - g. Æresmedlemmene i 4H Norge.
  - h. Ein (1) representant for kvar av medlemsorganisasjonane i 4H Norge.
3. Ordinært landsmøte i 4H Norge vert halde annakvart år. Nærare tid og stad vert fastsett av sentralstyret i samråd med ordførar i landsmøtet og gjort kjent i organisasjonen seks (6) månader før landsmøtet skal haldast. Kunngjeringa skal også opplyse om fristane for innsending av saker til landsmøtet, jfr. pkt. 5.
4. Landsmøtet vert kalla saman og leia av ordføraren. Innkalling med sakliste skal

sendast landsmøtere representantane minst seks (6) veker før landsmøtet.

5. Rett til å fremje saker til landsmøtet i 4H Norge har alle landsmøtere representantar, landsstyret, sentralstyret, fylkesårsmøta og fylkesstyra. Saker som skal handsamast i landsmøtet må vere sendt til sentralstyret seinast to (2) månader før landsmøtet. For framlegg til lovendingar gjeld §15.
6. Saksdokument som strategiske planar, framlegg til handlingsprogram, endring av vedtekter og andre prinsipielle saker, skal sendast ut saman med sentralstyret si innstilling samtidig med innkallinga. Andre saksdokument skal sendast ut minst to (2) veker før landsmøtet.
7. Landsmøtet i 4H Norge kan gjere vedtak når minst halvparten av dei som i følgje lovene er røysteføre landsmøtere representantar, er til stades. Blanke røyster vert rekna som gyldige røyster. Vedtak vert gjort med alminneleg fleirtal (meir enn 50 % av dei gjevne røystene) når ikkje anna er nemnt i lovene.
8. Det skal først protokoll frå landsmøtet i 4H Norge.
9. Landsmøtet skal opnast med 4H-lovnaden, jf. § 2.4.
10. Ordinært landsmøte i 4H Norge skal handsame:
  - a. Val av to (2) representantar til å skrive under protokollen saman med ordføraren.
  - b. Forretningsorden for landsmøtet.
  - c. Årsmelding frå sentralstyret for dei siste to (2) åra.
  - d. Revidert rekneskap for dei siste to (2) åra.
  - e. Innkomne saker, jf. pkt. 5.
  - f. Generaldebatt.
  - g. Strategiske planar.
  - h. Budsjett for to (2) år med fastsetjing av kontingentar og godtgjering til styremedlemmene.
  - i. Tilsetjing av revisor.
  - j. Val for to (2) år av:
    - Ordførar og varaordførar i landsmøtet.
    - Sentralstyret beståande av seks (6) medlemmer med tre (3) varamedlemmer i rekkjefølgje. Leiar i sentralstyret skal veljast av landsmøtet. Leiarvalet skal gjerast før valet av andre styremedlemmer.
    - Valkomité for neste landsmøte på fem (5) medlemmer med tre (3) varamedlemmer i rekkjefølgje.
11. Sentralstyret, æresmedlemmene i 4H Norge og valde representantar for medlemsorganisasjonar har talerett, men ikkje røysterett i landsmøtet. Andre kan ved landsmøtevedtak også gjevast talerett, men ikkje røysterett i landsmøtet.
12. Dei tilsette sine representantar i landsmøtet har ikkje røysterett ved val.
13. Det skal vere skriftleg val på leiar og styremedlemmer i sentralstyret. Ved personval utanom dette, skal det vere skriftleg val om det er framlegg på meir enn ein kandidat, eller minst ein eller fleire landsmøtedelegatar krev det. Blanke røyster vert rekna som gyldige røyster.
14. Ekstraordinært landsmøte i 4H Norge vert halde når landsstyret, sentralstyret eller minst 25 av landsmøtere representantane frå siste landsmøte krev det. Berre dei sakene som er nemnde i innkallinga, kan handsamast. Tidsfristar for innkalling og for

utsending av saker er som for ordinært landsmøte.

15. Reise- og opphaldsutgifter for landsmøtorepresentantane vert dekt av den dei representerer.

## **§ 6. Sentralstyret**

1. Sentralstyret i 4H Norge består av sju (7) medlemmer med røysterett:
  - a. seks (6) medlemmer valde av landsmøtet i 4H Norge
  - b. ein (1) representant for dei tilsette, for to (2) år av gongen.
2. Sentralstyret vel sjølv sin nestleiar.
3. Generalsekretæren har tale- og framleggsrett i sentralstyret med mindre sentralstyret vedtek noko anna.
4. Styret i Norske 4H-alumner skal få tilbod om å møte i sentralstyret med ein (1) representant med tale- og framleggsrett.
5. Styret i 4H-gard Norge skal få tilbod om å møte i sentralstyret med ein (1) representant med tale- og framleggsrett.
6. Ordførar i landsmøtet kan delta i sentralstyremøta utan røysterett.
7. Det må vere minst fire (4) med røysterett til stades for at sentralstyret skal kunne fatte gyldige vedtak.
8. For gyldig vedtak i sentralstyret vert det kravd alminneleg fleirtal.
9. Ved røysteliskap vert sentralstyreleiar tildelt dobbel røyst.
10. Sentralstyret skal:
  - a. vere styringsorgan for 4H Norge i samsvar med vedtektene for 4H Norge og vedtak gjort i landsmøtet for 4H Norge.
  - b. godkjenne vedtekter for fylkesledd, Norske 4H-alumner og 4H-gard Norge.
  - c. ha ansvar i organisatoriske og økonomiske saker, under dette også tilsetje og avsetje generalsekretær og vedta rutinar for internkontroll.
  - d. forvalte organisasjonen sine midlar med låg risiko og i samsvar med føremålet til organisasjonen.
  - e. gjere avtalar med departement, organisasjonar og andre.
  - f. kalle inn til landsstyremøte i samsvar med § 7 og leie møtet.
  - g. vurdere medlemskap for 4H Norge i andre organisasjonar, jf. § 14.
  - h. vere ankeinstans for saker avgjort av fylkesstyra.
  - i. vedta reglar for reiseutjamning for klubbane sine representantar til landsmøtet for 4H Norge.
11. Sentralstyret kan oppnemnde utgreiingsutval for spesielle saker.
12. Sentralstyret sin leiar og generalsekretæren i fellesskap forpliktar organisasjonen med sine underskrifter.
13. Det skal førast protokoll frå alle sentralstyremøte.

## § 7. Landsstyret

1. Landsstyret i 4H Norge består av:
  - a. Sentralstyret
  - b. Alle fylkesstyreleiara
  - c. Ein (1) representant frå Norske 4H-alumna
  - d. Ein (1) representant frå 4H-gard Norge
2. Ved fylkesstyreleiaras fråvær kan fylkesstyret velja ein vara blant dei faste styremedlemmane.
3. Landsstyret er eit vedtaksdyktig organ der alle delegatar har tale- framleggs og røysterett.
4. Generalsekretær har kunn tale- og framleggsrett i landsstyremøte
5. Sentralstyret kan invitere observatøra med tale- og framleggsrett til landsstyremøtet.
6. Landsstyret kan invitere gjestar utan tale- og framleggsrett.
7. Landsstyret kan fatte vedtak når minst halvparten av medlemmane er til stades.
8. Ved røystelikska vert sentralstyreleiar tildelt dobbel røyst.
9. Landsstyret skal møte ein gong i landsmøte år og to gonger i mellomår eller når sentralstyret eller ein tredel (1/3) av landsstyret krev det.
10. Sentralstyret har ansvar for å sende ut program, innkalling og sakliste. Innkalling skal sendast ut fire (4) veker før møtedato. Sakspapir skal sendast ut seinast to (2) veker før møtedato. Dette gjeld og om ein eller fleire landsstyremedlemmar ynskjer å fremje saker til landsstyremøtet.
11. Landsstyret skal:
  - a. Leggja hovudvekt på handsaming av prinsipielt viktige saker av betydning for 4H-arbeidet si utvikling og utnytting av organisasjonens ressursar.
  - b. Handsame arbeidsprogram og konkretisering av landsmøtevedtak, innkomne saker og fråsegner.
  - c. Vedta normalvedtekter for lokallag, fylkeslag og 4H-nemnder.
  - d. Etter framlegg frå valnemnda foreta suppleringsval for den gjenværande landsmøteperioden ved avgang i sentralstyret.
12. Det skal førast protokoll frå alle landsstyremøte.

## § 8. 4H-fylkesårsmøte

1. Fylkesårsmøtet er organisasjonen sitt høgaste organ på fylkesplan.
2. Fylkesårsmøtet definerer 4H-fylkets geografiske omfang. 4H-klubbar kan berre vere medlem i eit 4H-fylke i sitt eige geografiske fylke.
3. Fylkesårsmøtet har det overordna ansvaret i organisatoriske og økonomiske spørsmål.
4. Fylkesårsmøtet er samansett av

- a) To (2) representantar frå kvar 4H-klubb valde på årsmøta i klubbane.
  - b) Ein (1) representant for dei frammøtte arrangementsmedlemmene.
  - c) Ein (1) representant for dei frammøtte kløvermedlemmene.
  - d) To (2) representantar for 4H-alumnane i fylke der dei har eige fylkesledd.
  - e) Ein (1) representant frå kvar av medlemsorganisasjonane. Desse møter utan røysterett.
  - f) Medlemmene i fylkesstyret.
5. Det skal førast protokoll frå fylkesårsmøta.
  6. Fylkesårsmøtet vedtek sjølv sine vedtekter etter mønster av 4H Norge sine normalvedtekter for fylkesledd. Desse vedtektene skal godkjennast av sentralstyret.

### **§ 9. 4H-fylkesstyre**

1. 4H-fylkesstyret består av:
  - a. Leiar
  - b. Nestleiar
  - c. Minst tre styremedlemmer
  - d. Inntil ein representant/observatør frå relevante samarbeidsmiljø

Alle representantane i fylkesstyret bortsett frå representanten frå alumnklubben vert valde av fylkesårsmøtet.
2. I fylke som har eige fylkesledd av Norske 4H-alumnar, skal fylkesalumnklubben få tilbod om å møte i fylkesstyret med ein (1) representant med tale- og framleggsrett.
3. Fylkesstyret vel sjølv sin nestleiar.
4. For gyldig vedtak i fylkesstyret vert det kravd at minst tre (3) medlemmer har røysta for framlegget.
5. Fylkesstyret skal m.a.:
  - a. vere styringsorgan for arbeidet i 4H-fylket i samsvar med vedtektene for 4H Norge og vedtak gjort i landsmøtet for 4H Norge og i fylkesårsmøtet.
  - b. ha ansvar i organisatoriske og økonomiske saker i 4H-fylket.
  - c. leggje hovudvekt på handsaming av prinsipielt viktige saker som gjeld utvikling av 4H-arbeidet og utnytting av organisasjonen sine ressursar.
  - d. sørkje for at 4H-klubbane får best mogleg støtte og rådgjeving.
6. Det skal førast protokoll frå alle fylkesstyremøte.

### **§ 10. 4H-klubbane**

1. Ein 4H-klubb er open for medlemskap for alle barn og ungdomar frå 10 til 26 år som vil følgje 4H sine vedtekter og retningslinjer, men dei klubbane som ynskjer, kan ha yngre medlemmar.
2. 4H-klubbane er det primære leddet i organisasjonen.
3. 4H-klubbane skal vere organisert i eit 4H-fylke. Ein 4H-klubb skal ha sitt eige valde styre samansett av klubbmedlemmer frå 10 til 26 år på veg mot plaketten. Klubbstyret har ansvar for drifta av 4H-klubben i samråd med klubbbrådgjevarane.
4. 4H-klubben skal ha vaksne klubbbrådgjevarar med rådgjevarfunksjon overfor styret og

medlemmene.

5. Klubbrådsgjevarar og 4H-alumnar har ikkje røysterrett ved avrøystingar i 4H-klubben. Dei kan heller ikkje veljast til styrefunksjonar i 4H-klubben.
6. Årsmøtet i 4H-klubben vedtek sine eigne vedtekter innafor ramma av 4H Norge sine normalvedtekter for 4H-klubbar. Vedtektene må godkjennast av fylkesstyret før dei er gyldige. Dersom dette ikkje er gjort, er 4H-klubben automatisk underlagt normalvedtektene for 4H-klubbar.

#### **§ 11. 4H-nemnd**

1. Det kan opprettast 4H-nemnder som er ein sjølvstendig juridisk eining. Nemnda fungerer som eit fellesorgan for 4H-klubbane i kommunen eller i ein større region.
2. 4H-nemnda vedtek sine eigne vedtekter innafor ramma av 4H Norge sine normalvedtekter for 4H-nemnder. Vedtektene må godkjennast av fylkesstyret før dei er gyldige. Dersom dette ikkje er gjort, er 4H-nemnda automatisk underlagt normalvedtektene for 4H-nemnder.

#### **§ 12. Norske 4H-alumner**

1. Ein 4H-alumn vert definert som:
  - a. Eit 4H-medlem som har motteke 4H-plaketten
  - b. Eit 4H-medlem over 18 år som vil gjere ein innsats for 4H
2. Opprettinga av nye alumnklubbar må gjerast i samarbeid med eit fylkesstyre.
3. Norske 4H-alumner vedtek sine eigne vedtekter innafor 4H Norge sine rammer. Desse skal godkjennast av sentralstyret i 4H Norge.

#### **§ 13. 4H-gård Norge**

1. 4H-gardane er organiserte i 4H-gård Norge.
2. 4H-gård Norge er underlagt vedtektene for 4H Norge, men vedtek sine eigne vedtekter. Vedtektsendringar skal godkjennast av sentralstyret i 4H Norge.

#### **§ 14. Sekretariatet i 4H Norge**

Etter avslutta arbeidsforhold med 4H Norge må det gå minst 18 månader før ein er valbar til verv i fylkesstyret eller på nasjonalt plan. Dette gjeld ikkje ved arrangement, eller tilsette med mindre og/eller kortvarige engasjement.

#### **§ 15 Medlemskap i andre organisasjonar**

1. 4H Norge kan søkje medlemskap i andre ideelle organisasjonar/institusjonar som er partipolitisk uavhengige.
2. Slik søknad vert vedteke av sentralstyret.

#### **§ 16. Vedtektsendringar**

1. Framlegg til endring av desse vedtektene må vere framsett av eit fylkesstyre, av eit fylkesårsmøte, styret i Norske 4H-alumnar, landsstyret, sentralstyret eller av minst fem (5) representantar i landsmøtet.



2. Framlegg frå andre enn sentralstyret må leggjast fram for sentralstyret minst fire (4) månader før landsmøtet. Framlegget med sentralstyret si innstilling, skal sendast til landsmøtorepresentantane innan seks (6) veker før landsmøtet.
3. Vedtak om vedtektsending krev minst to tredelar (2/3) av dei gjevne røystene i landsmøtet.
4. Vedtektsendingar trer i kraft i det landsmøtet er heva.

#### **§ 17. Oppløysing**

1. Framlegg om å oppløyse 4H Norge må vere framsett på eit landsmøte for 4H Norge for realitetshandsaming på landsmøtet to (2) år etter. Framlegget vedlagt utsegn frå sentralstyret, skal sendast landsmøtorepresentantane minst seks (6) veker før det landsmøtet som skal realitetshandsame framlegget.
2. Vedtak om å oppløyse 4H Norge krev minst tre firedels (3/4) fleirtal av dei frammøtte landsmøtorepresentantane. Etter eventuell oppløysing skal pengar og andre verdiar som organisasjonen eig, overlatast til Det Kongelege Selskap for Norges Vel som opprettar eit fond av desse. Rentene av dette fondet skal heilt eller delvis brukast til å fremje dei same eller liknande føremål som det 4H Norge arbeider for.
3. Vert det seinare oppretta ein ny, landsomfattande organisasjon med same eller liknande føremål som 4H Norge, kan Det Kongelege Selskap for Norges Vel heilt eller delvis overlata til denne å bruke restane av fondet for å fremje måla til den nye organisasjonen.